


Nespresso bawakan kopi terbahagi bermutu tinggi kepada pengguna Malaysia



Kuala Lumpur, 25 Mei, 2016 – Nespresso, perintis dan penanda aras sedunia dalam kopi premium telah mengumumkan ketibaan rasminya di Malaysia hari ini. Selepas menempa kejayaan dan inovasi berterusan selama 30 tahun dalam pasaran kopi terbahagi premium di seluruh dunia, Nespresso sekali lagi memanfaatkan warisan keunggulannya untuk mencetus revolusi dalam amalan menikmati kopi, dengan membawakan kopi Grand Cru terkemuka dunia bermutu tertinggi ke Malaysia, mesin yang bergaya dan mudah diguna, serta perkhidmatan khusus melalui Kelab Nespresso, komuniti eksklusif Nespresso bagi penggemar kopi.

“Kami sukacita untuk membawa kepada penggemar kopi di Malaysia kopi bermutu tinggi Nespresso dan pengalaman mewah yang sudah dinikmati di 64 buah negara di seluruh dunia,” kata Geoffrey Dalziel, Pengurus Pembangunan Perniagaan Nespresso Malaysia. “Kami percaya bahawa potensi bagi kopi terbahagi premium Nespresso dalam Malaysia adalah amat besar. Pengguna Malaysia telah lama menikmati kopi berkualiti tinggi, dan permintaan untuk kopi berkualiti tinggi semakin meningkat. Oleh yang demikian, pasaran kopi premium menunjukkan pertumbuhan yang kukuh di negara kita. Nespresso bersedia untuk memenuhi permintaan trend ini.”





Kopi Grand Cru Bermutu Tertinggi Dengan Bahagian Hidangan Sempurna

Hanya 1 - 2% daripada tanaman kopi sedunia memenuhi keperluan kualiti dan profil aroma teliti Nespresso bagi kopi Grand Cru. Jenama ini menawarkan 23 Grand Cru, setiap satu dengan profil aroma tersendiri, memenuhi semua pilihan cita rasa. Kapsul aluminium kedap udara memelihara kesegaran dan aroma kopi daripada faktor perosak, seperti cahaya, udara dan kelembapan dan memastikan bahawa seluruh aroma dilindungi sehingga dituang ke dalam cawan pengguna.

Mesin Bergaya, Pintar dan Mudah Digunakan

Semua mesin Nespresso dilengkapi dengan teknologi unik yang menghasilkan keseimbangan optimum antara suhu, kuantiti dan kelajuan air yang sewajarnya, bersama tekanan penyarian yang optimum, lantas


menghidangkan secawan kopi yang sempurna setiap kali. Setiap parameter telah diukur dengan jitu untuk memastikan bahawa segala aroma daripada setiap Grand Cru akan terserlah, menjanjikan cita rasa hebat dan menghasilkan krema tebal dan pekat yang tiada tandingan, iaitu tanda kopi bermutu tertinggi. Mesin Nespresso dirangka secara khusus untuk menyokong dan menambah aroma, krema dan perisa kapsul kopi Grand Cru Nespresso, sesuai pada setiap masa, setiap hari. Direka bentuk untuk memberikan rasa dan kesenangan yang luar biasa, setiap mesin mempunyai ciri unik tersendiri untuk memenuhi pelbagai pilihan.



Kelab Nespresso

Pelanggan yang membeli Grand Cru Nespresso menjadi ahli Nespresso Club secara automatik dan boleh memanfaatkan rangkaian peribadi kami;

- **PESANAN:** Pakar Kopi sedia membantu anda setiap hari dalam soal pemilihan kopi dan memastikan pesanan dan penghantaran dapat dibuat mengikut kesenangan anda.
 - Hubungi kami di 1800-80-7001 (Talian Percuma)
 - Layari www.nespresso.com
 - Muat turun aplikasi mudah alih “Nespresso”
- **PENGHANTARAN:** Kelab ini menghantar pesanan anda, di mana-mana anda berada.



- **PERKHIDMATAN PELANGGAN:** Pakar Kelab sedia menjawab semua soalan anda tentang mesin anda, setiap hari di 1800-80-7001 (Talian Percuma). Dapatkan diagnosis teknikal serta-merta dan penyelesaian yang memenuhi keperluan anda, termasuk kutipan mesin dan penghantaran pulang secara percuma, di samping meminjamkan mesin gantian sambil menunggu mesin anda dibaiki.

Jualan mesin *Nespresso* menerusi rakan dagangan akan dipergiatkan dalam tempoh beberapa bulan akan datang di peruncit dan gedung serbaneka terkemuka seperti Robinsons, Harvey Norman dan Parkson.

Pengguna boleh mencuba kopi secara percuma di lokasi-lokasi tersebut, yang dikendalikan oleh pakar kopi yang dilatih secara khusus dalam sistem *Nespresso* dan Kopi Grand Cru. Pengguna-pengguna Malaysia boleh membeli mesin kopi mereka di tempat jualan tersebut, dan selepas itu mereka boleh memesan kapsul kopi mereka menerusi saluran e-dagang, termasuk menerusi Internet dan aplikasi mudah alih dan juga di pusat perhubungan pelanggan.

Di samping itu, *Nespresso* juga ditawarkan untuk kegunaan perniagaan, bagi membolehkan kakitangan, pelanggan-pelanggan dan para tetamu untuk menikmati pengalaman kopi yang unik. Dengan pilihan kopi bermutu tinggi dan mesin gaya profesional yang direka untuk menyediakan secawan kopi konsisten setiap kali digunakan, *Nespresso* boleh menyediakan sistem khusus untuk memenuhi keperluan perkhidmatan pelanggan perniagaan.

#

Mengenai Nestlé Nespresso SA

Nestlé *Nespresso* SA ialah perintis dan penanda aras bagi kopi terbahagi premium bermutu tertinggi. Beribu pejabat di Lausanne, Switzerland, *Nespresso* beroperasi di 64 buah negara dan mempunyai lebih daripada 10,500 kakitangan. Pada tahun 2014, ia mengendalikan rangkaian runcit global meliputi lebih 400 butik eksklusif. Untuk maklumat lanjut, sila layari laman web korporat *Nespresso* Nestlé: www.nestle-Nespresso.com

Untuk maklumat lanjut, sila hubungi:

Loshini Perinpavelam
Nespresso Malaysia
Tel: (+603) 7965 6337
E-mel: Loshini.SPerinpavelam@nespresso.com

Joanne Lim atau Yasmin Kadir
acorn communications
Tel: (+603) 7958 8348
Bimbit: +6012-304 7604 (Joanne) atau
+6017-237 9048 (Yasmin)
E-mel: acorncommunications@acornco.com.my